

თა აღმნიშვნელი შესიტყვებების მოძალეობას, როგორ უხვდება მათ დღეს (თანამედროვე გლობალიზაციის პირობებში), ისტორიული და მრავალათასწლეულიანი სახელმწიფო ენები, მათ შორის ქართული?, როგორია უცხოური და საკუთრივ ქართული საბაზისო ლექსიკის ხვედრითი წონა და წილი თანამედროვე ქართულ სალიტერატურო და სახელმწიფო ენაში? რა პროცესები იჩენს თავს? აი, ჩვენი ამჟამინდელი სტატიის თავი და ბოლო, ანუ, როგორც იტყვიან: „ანი და ჰოე“.

დამოუკიდებელ საქართველოში, XX საუკუნის 90-იან წლებამდე განმარტებით და უცხო სიტყვათა ლექსიკონებში დაინტერესებული პირი გვერდიგვერდ ნახავს სინონიმურ ტერმინებს: ოფისი – დაწესებულება, სახე – იერი – იერსახე..., მაგრამ ვერ დავაფიქსირებთ ისეთ უცხოურ სიტყვებს, როგორიცაა: იმიჯი, იმიჯმეიკერი, დეველოპერი, ნოუჰაუ, თინიფერი, დეკულტურიზაცია, ეთნობალეტი (ეს უკანასკნელი „ხალხური ქორეოგრაფიის“ მნიშვნელობით).

მაგ., სიტყვა *თინიფერი* ამ დროს თითო-ოროლამ თუ იცოდა და იყენებდა თავის სამეტყველო ლექსიკურ მარაგში. შემდგომ ეს სიტყვა ისე დამკვიდრდა, რომ მისგან ახალი ცნება-ტერმინებიც კი გაჩნდა: „თინიფერიზაცია“ (= სამთავრობო სტრუქტურების (სახელმწიფო და საჯარო მოხელეთა დაკომპლექტება ძირითადად ახალგაზრდული ასაკის სპეციალისტებით), „თინიფერული მთავრობა“ და მისთ. შდრ. ნეოლოგიზმი „ელექტონული მთავრობა“.

ახალი ქართული ეკონომიკური ტერმინოლოგიური ერთეულების (*ეკონომიკა, ეკონომია, ეკონომისტი*, შდრ. ძველი ბერძნული ენიდან შემოსული და ძველ ქართულ სამწერლობო ენაში დამკვიდრებული ეკონომიკური ტერმინი „*იკონომოსი*“) გვერდით დამკვიდრებას იწყებს ინგლისურენოვანი „*ეკონომიკისი*“ (economics) [3, 194-196].

დღეს საქართველო, როგორც თანამედროვე რეფორმების ზღვარზე მყოფი ქვეყანა და სახელმწიფო, მისი უნივერსიტეტები და არსებული საგანმანათლებლო სისტემა ერთგვარი ინოვაციებითა და ნოუჰაუებით გამოირჩევა – სულ სხვაგვარი სააზროვნო სისტემა მკვიდრდება უმაღლესი სკოლის

პედაგოგიკის, პედაგოგისა და მეცნიერის სააზროვნო თუ პრაქტიკულ საქმიანობაში. მაგ., საქართველოს ტექნიკური უნივერსიტეტის ახლად არჩეულმა რექტორმა (საქართველოს მეცნიერებათა აკადემიის წევრ-კორესპონდენტმა პროფ. **არჩილ ივერის ძე ფრანგიშვილმა**) უნივერსიტეტის პროფესურას და სტუდენტობას, სამოქმედო-საგანმანათლებლო გეგმიდან გამომდინარე, ტერმინ „პედაგოგიკის“ გვერდით, სრულიად ახლებური გააზრებით (პრაგმატულად) სპეციალისტთაგან მივიწყებული ბერძნულენოვანი ტერმინის *ანდრაგოგიკის* საჭიროება და ხელახალი გაცნობიერება შესთავაზა – (*ანდრაგოგიკა* წარმოდგება ბერძნული „ანდროს“ და „აგო“-საგან („გამო-ლოლა“), აღნიშნავს პედაგოგიური მეცნიერების იმ ნაწილს, რომელიც მოიცავს ზრდასრული ადამიანის მიერ ცოდნისა და პროფესიული უნარ-ჩვევების ათვისების თეორიულ და პრაქტიკულ პრობლემებს. ამასთანავე ხსნის ათვისების პროცესის კანონზომიერებებს და პროფესიონალი პედაგოგის მხრიდან ამ პროცესის ხელმძღვანელობის განსაკუთრებულობას. ტერმინი პირველად გამოიყენა განათლების ისტორიკოსმა კ. კაპმა (1833 წ.) *ანდრაგოგიკა* სხვაობს პედაგოგიკისაგან იმით, რომ იგი მოზარდთა განათლებაზეა ორიენტირებული. ამრიგად, ზრდასრულთა განათლება მოზარდთა განათლებისაგან რამდენადმე გამსხვავება, თუნდაც იმით, რომ ზრდასრულებს უკვე დაგროვილი აქვთ ცოდნის გარკვეული მარაგი და აქვთ გამოცდილება. მეორე განსხვავება (სხვაობა) ისაა, რომ რომ ზრდასრულები მუდმივ მოლოდინში არიან – მათ ზომ ახალი ცოდნა გამოადგებათ უკვე დასახული მიზნების მიღწევაში [4].

ქართულ ენაში ჩნდება ახალი ტერმინოლოგია, რაც მარკეტინგის სფეროს უკავშირდება. ძნელი სათქმელია, დღეს არსებული თითოეული ლექსიკური ერთეული, ცნება-ტერმინი რამდენად შერჩევა ენას და სპეციალისტის ლექსიკას. ამას დრო განსაზღვრავს. მაგალითად,

აღბილის ბრენდინგი ტერმინის ავტორია ბრენდინგის სპეციალისტი საიმონ ანჰოლტი (2002 წ.). ამ ტერმინში ავტორმა ერთდროულად იგულისხმა დივერსიფიცირებული და კომპლექსური მიდგომა, რომელიც მანამდე არსებული ვიწროსპეციალიზე-

ბულ მიდგომებთან კონტრასტულ მდგომარეობაში იმყოფება. ანჰოლტმა ჩამოაყალიბა კონკურენტული იდენტურობის კონცეფცია, რომელიც ტერიტორიის ბრენდინგს ექვემდებარება პარამეტრის მიხედვით განარჩევს: ინფრასტრუქტურა, პოლიტიკური მდგომარეობა, ტურიზმი, ბიზნესგარემო და საინვესტიციო პირობები, კულტურა და მოსახლეობა [5].

ბიზნეს-ინჟინერინგი (ინგლ. Business-engineering) ბიზნესის საინჟინრო ანუ ინჟინრული მიდგომა, მეცნიერების დარგი, რომელიც სწავლობს, თუ როგორ მოერგოს ბიზნესი საწარმოო პროცესების ძირეულ სისტემატურ გარდაქმნებს, რა მეთოდ-საშუალებებით წარმართოს ეს პროცესი. სხვაგვარი განმარტებით, ბიზნეს-ინჟინერინგი ბიზნეს-სისტემების განვითარების თანამედროვე ტექნოლოგიაა, ინტერდისციპლინებული მეცნიერება, რომელიც საინჟინრო მიდგომებს ემაყვრება, ხელს უწყობს თანამედროვეობის აქტუალურ პრობლემებს ეკონომიკაში, ინჟინერიაში, აერონავტიკაში, ბიომედიცინაში, ინფორმაციული ტექნოლოგიების დანერგვას სხვადასხვა დარგში [5].

ბრენდინგი არის მარკეტინგულ-მმართველობითი ტექნოლოგია, რომელიც წარმოადგენს ნორმათა სისტემას, თუ როგორ იქმნება სავაჭრო მარკა. ბრენდინგი ქმნის არსებს იმისთვის, რომ მომხმარებლებს ოპტიმალურად მიაწოდოს სავაჭრო მარკა, იმაგდროულად წარმართავს მის განვითარებას. ბრენდინგი თან ახლავს პროდუქტის წარმოებასა და ახალი ორგანოზაციის დაფუძნებას. მისი ამოცანები მჭიდრო კავშირშია კომპანიის მისიასთან და მის სტრატეგიულ ხედვასთან. სხვა სიტყვებით: ბრენდინგი არის სტრატეგიული გეგმა, რომლის მუშაობა თვალნათლივ ჩანს ბრენდის განვითარების ყველა ეტაპზე. ბრენდინგი ბიზნესის ფილოსოფიაა – მომხმარებლის ფსიქოლოგიისა და მისი შიდა სამყაროს ნაწილი [5].

რეპრენდინგი კონკურენციის გაზრდასთან დაკავშირებით ქალაქთა ან ქვეყანათა ლიდერების ღონიძიება საკუთარი ქალაქის ან ქვეყნის უკეთ წარმოჩენისა და მსოფლიო რუკაზე ღირსეული ადგილის დაკავების მიზნით (მაგ., ქალაქის ახალი ლოგოს შექმნა ღიზინერული სტუდიების მიერ დანიაში, ჰო-

ლანდიაში და სხვა ქვეყნებში.). რეპრენდინგი თანდათან ადგილს იმკვიდრებს თბილისის ყოფაშიც (შდრ. „მე ♥ (= მიყვარს) თბილისი“ და სხვ.) [5].

ქალაქის ბრენდინგი ქალაქისთვის დამახასიათებელი მზარდი, ინოვაციური მარკეტინგული და მმართველობითი ტექნოლოგია, რომელიც პროდუქტზე ორიენტირებულ მომხმარებლისთვის სხვადასხვა სავაჭრო გარემოფაქტორს უქმნის [5].

რეყვას განიცდის თვით ამ უცხო სიტყვათა დაწერილობაც: **პიარი** და **ფიარი**, **კასტინგი** და **ქასტინგი** გვერდიგვერდ იხმარება [6, 23].

თვით ანთროპონიმების, ეროვნებისა, ეთნონიმებისა და ქვეყნების სახელწოდებებიც კი „ჭრელ სურათს“ იძლევა; დღევანდელ ქართულ წერითსა და ზეპირმეტყველებაში პარალელურად ითქმება და იწერება ისეთი სიტყვაფორმები, როგორიცაა: **ნიგერია**ს გვერდით – **ნიგერი**, **ნიჯერი**, **ნეიჯერია**; **ანგელინას** გვერდით – **ანჯელა**, **ანჯელიკა**, **ანჟელიკა**, **ანხელ**, **ანხელა** და სხვ. გამოყენებითი სტილისტიკის თვალსაზრისით, ამ მხრივ საქმე მოსაგვარებელია.

მაგრამ ზოგიერთ შემთხვევაში ტერმინად ქცეული ცნებითი შესიტყვება, ვფიქრობთ, დიდხანს დაიკავებს თავის ადგილს საუნივერსიტეტო-სასწავლო-საგანმანათლებლო სისტემაში. მაგალითად, რამდენიმე წლის წინათ არ არსებობდა ტერმინი **ლინგვოქვეყანათმცოდნეობა** (ქართულ ენაში), რუსულ, სომხურ და აზერბაიჯანულ ენებშიც.... „ქვეყანათმცოდნეობისაგან“ წარმოქმნილი **ლინგვოქვეყანათმცოდნეობა** – ნეოლოგიური ტერმინი – ჰუმანიტარული მეცნიერების (ლინგვისტიკა, არქეოლოგია, ისტორია, ეთნოგრაფია, ფოლკლორი, ლიტერატურისმცოდნეობა, ხელოვნებათმცოდნეობა) ინტერდისციპლინური და კომპლექსური დარგია, რომელიც შეისწავლის მსოფლიოს ამა თუ იმ რეგიონის (მაგ., კავკასიისა და კავკასიელების, კავკასიის ქვეყნების...) ეთნო და ლინგვისტურ-კულტუროლოგიურ წარსულს (მახასიათებლებს) პალეოლითიდან დღევანდლამდე. **შენიშვნა:** საქართველოში მიმდინარე საგანმანათლებლო რეფორმის საფუძველზე, საქართველოს განათლებისა და მეცნიერების სამინისტროს ეგვით, საგანი იკითხება **სტუ**-ში, ბიზნესის ინჟინერინგის ფაკულტეტზე. ქართულის ანალოგიური, ფარდი, შესატყვისი ტერმინი ახალია სხვა ენ-

გეზი: ინგლისური (lingvo-Country-Specific Studies), რუსული (лингвострановедение), აზერბაიჯანული (Linqvoölkəşünaslıq), სომხური (Լեզվաաշխարհագրություն (Լեզվաաշխարհագրություն) [6]. სიტყვათქმადობისა და ტერმინთშემოქმედების თვალსაზრისით, 2011 წელს, ჩვენივე თხოვნით, „ლინგვოქვეყანათმცოდნეობის“ შესატყვისი სომხური და აზერბაიჯანული ზემო დასახელებული ტერმინები ერევენელმა და ბაქოელმა კოლეგებმა შემოგვთავაზეს.

ქართულ საგანმანათლებლო სისტემაში, ქართულ ენაში გასაცარი სისწრაფით იცვლება თვით ფაკულტეტებისა („ბიზნეს-ინჟინერინგის ფაკულტეტი“ „სოციალურ-ტექნიკური უნივერსიტეტის“ სახელდების ნაცვლად) და დეპარტამენტების სახელდებებიც კი („ენებისა და კომუნიკაციების დეპარტამენტის“ ნაცვლად „ლიბერალურ მეცნიერებათა დეპარტამენტი“). მოდერნიზაცია განიცდის თითოეული სტრუქტურა, თითოეული ცნება-ტერმინი. რამდენად შეეფერება და შეესაბამება ქართულ ენის ტერმინოლოგიურ სისტემას ზემოხსენებული ნეოლოგიური ტერმინები, ძნელი სათქმელია, რადგან ისინი ეხამუშება როგორც სპეციალისტს, ისე ქართულ ენობრივ გარემოს. მოსალოდნელია ზოგიერთი მათგანის არსებული მნიშვნელობით ენამ გაითავისოს და შეითვისოს, ან პირიქით – უარყოს. ამის ნიმუშები ქართული ენის ისტორიიდან ცნობილია (მაგ., ცნობილმა რეფორმატორმა და მოაზროვნემ, მწერალმა და საზოგადო მოღვაწემ ილია ჭავჭავაძემ, XIX საუკუნის მეორე ნახევრიდან, ქართულ ენაში არაერთი ტერმინი შემოიღო, მაგრამ რამდენიმე თუ დამკვიდრდა (დედააზრი, მიმართულება, შინაარსი....).

სასკოლო რეფორმით, სასკოლო-სასწავლო პროცესს და პედაგოგიურ ტერმინოლოგიას უბრუნდება არაერთი სიტყვა-ტერმინი ძველი და ახლებური სტატუსით, როგორიცაა: მენტორ-მასწავლებელი, პილოტირება....[6]

რამდენად კონფლიქტურია ან თავსდება და შესაბამისობაშია ასეთი კომუნიკაციური ინჟინერინგული სოციოტექნოლოგიები და ტერმინოლოგიური სიახლეების დანერგვა ენაში და როგორია თანამედროვე ლინგვისტიკური მიდგომა?

ჯერჯერობით ქართველი ლინგვისტების აზრი ორ ნაწილად იყოფა: ერთ ჯგუფს მიაჩნია, რომ ასეთი რამ ენაში ჩვეულებრივი მოვლენაა და ყოველივე სათანადო დროის გასვლის შემდეგ დარეგულირდება. მეორე კი უფრო რადიკალურ მიდგომას იჩენს და აკრიტიკებს როგორც „კონფორმისტ“ კოლეგებს, ისე მიმდინარე ენობრივ პოლიტიკას.

ლიტერატურა

1. Хомский Н., Язык и мышление, М., 1972
2. გ. რამიშვილი, ენათა შინაარსობრივი სხვაობა ენათმეცნიერებისა და კულტურის თეორიის თვალსაზრისით, თბ., 1995
3. ბ. ცხადაძე, ე. ცხადაძე, რამდენიმე ეკონომიკური ტერმინის (ეკონომიკა, ეკონომისტი, ეკონომია) ისტორიისათვის ქართულში. ჟ. „სოციალური ეკონომიკა“ (XXI საუკუნის აქტუალური პრობლემები), №2 (2), 2009
4. ა. ფრანგიშვილი, საქართველოს ტექნიკური უნივერსიტეტის განვითარების სტრატეგიული გეგმა 2009-2013 წლებისათვის (FRANGISVILI PROGRAMA PDF Adobe Reader.).
5. ბ. ცხადაძე, ი. კვესელავა ე. ცხადაძე, ქ. კვესელავა, სასწავლო-სამეცნიერო ლექსიკონის შედგენის პრინციპები და თანამედროვე ხედვა. საერთაშორისო კონფერენცია, მიძღვნილი სტუთუოლოგიის სასწავლო-სამეცნიერო ცენტრის 10 წლისთავისადმი, თემაზე: „წარსული მკვიდრი საძირკველია აწმყოსი, როგორც აწმყო მომავლისა“ (ილია მართალი). თბილისი, სტუ, 2011 წლის 14-15 ნოემბერი.
6. ბ. ცხადაძე, ი. კვესელავა, ე. ცხადაძე, ქ. კვესელავა, ზოგადტექნიკური განმარტებითი ლექსიკონი. 1. (ა. ზოგადსაგანმანათლებლო ცნება-ტერმინები, ბ. ეკონომიკა, ბიზნესი, მარკეტინგი, გ. პოლიტიკა, დიპლომატია, სამართალი, დ. მასობრივი კომუნიკაციები), თბ., 2012

ერთობლივ სტატიაში ლექსიკური და ტერმინ-შემოქმედებითი თვალსაზრისით, განხილულია კომუნიკაციური ინჟინერინგული სოციოტექნოლოგიების დანერგვის გზები, პროცესები, აგრეთვე სიტყვათსესხების, სპეციფიკური ტერმინების, ცნებებისა და ნეოლოგიზმების სხვადასხვა რაკურსით დამკვიდრება სალიტერატურო და სამეცნიერო ენაში.

საქართველოში მიმდინარე საგანმანათლებლო რეფორმის მეშვეობით საჯარო და უმაღლეს სკოლებს, საუნივერსიტეტო-სასკოლო-სასწავლო პროცესს უბრუნდება არაერთი საგანმანათლებლო პედაგოგიკური ცნება, მარკეტინგული, მასკომუნიკაციური, პოლიტიკისა და სამართლისმცოდნეობითი ტერმინი როგორც ძველი, ისე ახლებური სტატუსით, როგორცაა: **მენტორ-მასწავლებელი, პილოტირება, ბრენდი, ბრენდირება, მარკეტი, ქალაქის ბრენდინგი, ეკონომიკა** და სხვ....

კითხვაზე – რამდენად კონფლიქტურია ან თავსდება და შესაბამისობაშია ასეთი კომუნიკაციური ინჟინერინგული სოციოტექნოლოგიები და ტერმინოლოგიური სიახლეების დანერგვა და როგორია თანამედროვე ლინგვისტიკური მიდგომა, ქართველი ლინგვისტების პასუხი ჯერჯერობით ორნაირია: ერთ ჯგუფს მიაჩნია, რომ ასეთი რამ ენაში ჩვეულებრივი მოვლენაა და ყოველივე სათანადო დროის გასვლის შემდეგ დარეგულირდება. მეორენი კი უფრო რადიკალურ მიდგომას იჩენენ და აკრიტიკებენ როგორც „კონფორმისტ“ კოლეგებს, ისე ქვეყანაში მიმდინარე ენობრივ პოლიტიკას.

Communicative engineering sociotechnologies and modern linguistics

SUMMARY

In the united article from the lexical and term-formative viewpoint are considered the ways and processes of adoption of communicative engineering sociotechnologies, as well as implantation of word-borrowings, specific terms, notions and neologisms in literary and scientific language in various aspects.

By means of current education reform more than one education pedagogic notions, marketing, mass-communication, political and jurisprudential terms, such as: **mentor-teacher, piloting, brand, branding, market, city branding, economics** etc. are returned in the university-school-education process of public and high schools, both with old and new status.

Georgian linguists' answer on the question – to what extent is conflicting (argumentative), capacious and proper are these communicative engineering sociotechnologies and implantation of terminological novelties and how is modern linguistic approach – is still ambivalent: one group supposes that such thing is common occurrence in the language and everything will be adjusted after appropriate time, while second one is showing more radical approach and criticizes both „conformist“ colleagues and current language policy in the country.